

FLOREAN DAL PALAZZ

Al salté fur la Joibe - Ogni doi numars 6 centesims l'un - Bez subit

Si vendin la vie da l'Edicule a dai principal Tabachins dal centro a la vie di stor Luigi Ferri.

Abonamens par l'interno un An quatri francs: 6 mes doi francs: par l'estero il dopli.

Inserzioni: intindisi cu l'Aministrazion. Mandà i bez con l-etare racomandade o in vaglia postal al sempli indirizz: — **Aministrazion dal Florean dal Palazz, Udin.**

Florean al Festival

Dunçe come che o hai anunziât, domenie al ha lug in Zardin un gran *Festival* in part a benefici de Congregazion di Caritat, da l'Asil infantil, e da l'Istitut Tomadin.

Eco il programe:

Aperture dal Festival cu lis sbaradis solitis — Orchestre direte dal Mestri lacum Verza — Musichis citadinis e provincials, civils e militars — Teatro da l'opare — Filodramatichs — Coros — Ciantestoris — Venditors omnibus — Belvis a-maestradis modernis e antidiluvianis des cinq pars dal mond — Assabes, esquimes, marochins, indigenos di Massaue — Chiosco chines, raritas americanis, bazar oriental, fotografie americane — Guarigions miracolosis cu la gnove machine magneto-eletriche — Bersaglios svizzars e germanics — Cucagne a la turche — Balons areostatichs — Fontanon roman, galarie artistiche, balons franzês, bire stiriane, pasticerie gurizane, restaurant, cafès, ostariis, negoziis diviars — Caramels a la parigine, milhs di Fane e di Cava — Fiorais pur sang furlan — Lanze-balis, zug ai curtis, corsis, gare di velocipedisg, regadis ecc. ecc. — Illuminazion grandiose, fantastiche, fugas artificiais, gran ball, ecc. ecc.

Al è stat publicat chest manifest che Florean bisugne che lu riprodusi parcè i plàs e unmont i plàs:

La Grande Compagnia - Drammatica Francese Essendo di passasso - per questa gran Città, Nel massimo giardino, - e propri sol la pese,

Diversi spettacoli - Domenica darà.

In punto all'ore tre - di dopo di gustato

In primis ante omnia - verrà rappresentato:

« No l'è zelos » gran farsa - indove Barba Zuano Distinguer si farà - col suo parlar talgiano.

Pò in questa farsa e l'entra - un rinomato attore Che a Rossi ed a Salvini - al monte fin parsore.

Fa parte della nostra - grandiosa Compagnia

Mohamed Ali (sta fer!) - nascuto in Algeria,

il quale « in mezzo ai Turchi », - farà la sua sortita:

Co la sarà sta farsa - signori miei finita

Un'altra in dialetto - furlano larà suso

Che sgnangassar dal rider - farà il più serio muso.

« Feliz, Cerimonios » - è il titolo che porta

Perciò a sentirla, certo, - verrete in buona scorta.

A forza di struziarsi, - di dâi e torne a dâi,

A voi esporreremo - un altro tauanai

Che, come un bombon fino, - è dolce addirittura

E sgnangassar pur questo - farà fuor di misura.

Lo scherzo è intitolato: « La sera del Plevano »

Bissato or non è molto - a Napoli e a Milano.

Siccome tutti i salmi - con gloria han finimento,

E più perche ogniduno - possa restar contento,

L'Impresa ha stabilito - non senza tante naïne,

Di far, fra un atto e l'altro, - sunar la ziguzaine.

Ma quello che più monta - si è che interveniate

Per ultimo a sentire, - (solo purchè paghiate)

« Amore non è brodo - di Verze » la commedia

Che vi farà p..... (1) - dal rider sulla sedia.

Il prezzo dell'entrata - venne così fissato:

Venti centesimetti - pel ricco e il disperato,

Come tutti vedete - è misera la spesa,

Quindi vi attende in frotte - la sottoscritta

Udine, li 24 agosto 1885.

Impresa.

(1) Il poete al oleve meti pissar, ma nol ha vut abastanze coraggio.

(Note di Florean)

Marie Luigie a Florean

Sint Florean; o hai tant bassilât sul to articul dal 13 passat che a diti il ver, jo mi ciati imbrojât a rispuinditi in proposit. Rifletind sui sentiments che ti movin il cur par la barache di Sant Spirit, o hai pensat che si po sostignî cun decoro e cun enet ben plui alt di chell che tu pensais. Tu sas che lis sioris romanis quand che la patrie si ciatave in pericol, dutis e portavin rucina, colanis, anei a la Curie; parcè no si podares fa altrettanto da lis sioris cristianis che son zà sul tramontâ, e cussî sostigni chell puar diaul di Prè Zuan? Supon, prime il lor gran general diretor che al è generos, sastu, al podarès, dà mill liris, supon. Mill la vedrane mate superiore, 500 lis dipendens, cent ches che fasin di maestris, e cussî di seguit. Vidind ch'est biell esempi des Maris Cristianis; lis Fils di Marie faressin come lis Maris, lis Ancelis cul lor degan no si faressin tignî, e in poc di timp si ciolares i fastidis no al Zarlatan che nus ha plantat ch'est biel Zardin a Udin, ma a chei puars che son entrâs dentri come i Zulâs cu la lune; viod, viod di dâ vite a cheste idee onde il muipi de saore confraternite Zorzi, al puedi durmî quiet e al no si scalmani tant cul so lengas catoliche, che tu sas ce che al è catoliche in ch'est mond, ma no lu dis par onor del to sfuel.

Storielis di Florean

O ricev e o publichi:

Ciar FLOREAN!

Dug i nemis de veretat e viodin di mal volî a scuviarzi lis infamitâs che vegnin comitadis e sberlin tanche sassins, parcè che no puedin fa chell che i par e i plas seuze vignî incomodâs di nissun.

Al è tant natural, ma tu, intrepid simpri, tu fasis benon a scrivi culpatri i birbans, impostors, prepotens, vizios, ecc. ecc.

Lasse che ti conti une storiele succeduda in chesg diis. Tu savaras che a Udin al è un omp in etât, sot i settant'agn, persone di condizion civil, il qual noi ha altri pal ciat che di là in serce di aventuris galans.

Pazienze po che chestis aventuris e fossin propriit galans, ma si, e son lis plûi spordis che tu pûs immaginati. Figuriti che ch'est omp, plui di complanzî che colpevol, al si è imbarciât dunt un tipo da la pegior specie, in t'un lug dula che i ocor il visto da la Pubbliche Sicurezza. E cussî cun dan moral e material, ti spreche i centenars di francs cun regai di ogni sorte, ciadenis, avei e orlois d'aur, abis, scarpins ecc. e chell che al è piês ogi no ve nance il pudor di no fassi viodi cu la dame (e ce dame!) in publich!

Al è un scandal fur di mud e no sai come che si puedi permeti une robe simil a viodilu a lâ al brass pe citat e in carrozze.

Figuriti che al ha vût il coraggio fin di fai di copari e meti il so brav uom e cognom sul registro de parochie in un batisin di une frute de parone de sudete dame! E ce baldorie, e ce regai, e ce fieste che fa in chell di!

Ciar Florean, ti prei, pal ben di chell puar omp, viod di meti tu dos riis come che tu saa metilîs tu (1) onde al cessi ch'est scandal, onde no si ripeti plui che une persone civil e vevi di viodi imbratat il so bon nom cun chei infams nons di un postribul, mentri tu sâs ben che quand i umia e diventin vecios bisugne dai lezion come ai bambins.

Ti assicuri che tu farâs un'opare buine, sacrosantamentri buine e tu aumentarâs la stime e l'amor di dugg i bogns e l'onore che ti venerin e ti rispètin.

In chêste fiducie o ti saludi di cur.

Un di chell Pats.

(1) Al spâl coloròs che mi fâs chell di chell Pais no erod di carispindî mior altri che cul publich la so letare, naturalmentri senza volè jentrâ tai rês. A ognun il so.

(Notâ di Florean)

Da la Zae di Florean

In altrè part dal sfuel o hai annunciât divarsis nuvitas grandiosis e meravigliosis che varan lag indomente prossime pal gran Festival: une ciosse mai plui stade e che i furians ricuardaran par secul e secul.

Ma chell che al è a driture sorprendent e che al supere qualunque immaginazion, qualunque fantasia, e sarà la comparse famos, inaspetade e tant desiderade dal celebr, dal illustre, dal inimitabil

President di Puscuel.

L'impresè no ha sparagnat fadis, interessament e prejeris par conuinzi il nestri President a con-corri anca lui a la gran fieste, e finalmentri e ha otignut une decise, meretade vitorie.

Parceche o ves di savè che il President al jere un piès che si veve ritirât a la vite private e no i oleve che un avveniment straordinari par rimovilu dal so proposit.

E dunce i popui furlans e varàn la compla-cenze, la sodisfazion, l'onor, l'orgoglio, la glorie, l'imens plazè, di viodi il nestri President sott lis spoigis di Giulio Cesare puartand il storich, memorabil, glorios

Elmo Roman.

Chell Elmo che al è stat fin cumò custodît cun tante gelosie, cun tante cure, cun tante afe-zlon, al vignarà fur soltant in cheste circostanze eccezional, puartat cun dute dignitat, competenze, merit e valor dal

President di Puscuel.

Furlans, atens e no stait nance respirâ!

★
Mi scrivin e o publichi:

Ciar Florean,

O sâr che par fa un plazè ai amis tu ses fat apueste. Dunce o uer preati di publica tal to sfueciut une curiose storiele che o soi par diti.

Tu has di savè che il mes passat e jè muarte une impinie in tun convent situat in borg da Ronc; cheste muinie e ha doi nevoz, par di miei, une greeze e un nevot, il nevot specialmentri al è un puar diavol che al ha la mari di mantignû che par di plui e jè simpri malade; al crodève che la mirart di sò agne i fasès justâ une cueste! dutt'altri parceche la agne e ha lasât dutt al convent, pal valor frâ robe e bez, di vot o dis mil franchs. Cussì e ha fat il testament: i testimonis che si ciatavin presins in che ocasion, e diserin se ha qualchi nevot, e jè e rispuindè, che no co-gnos nissun nevot nè parint. Il nevot quand che al savè ch'est tant al lè al convent, e là une muinie vedinlu cussì infuriat, e disè che nissun al è colpe, e che no agne prime di murî si jere visade di lui, quî lassai un librit par che al yadi a messe, e un quadrut che al meti da cîaf il jet.

Ce ti parial ciar Florean? ch'estis e son lis re-gulis dal benemeris convens e cui che ha fam che al crepi! A lor i baste cussì. *Ora pro me!!!*

★
O abunzi a dugg i udines, furlans, talians, e popui universai, che cheste sere e rive la

Famee di Massane

cui treno dirèt des vôt e vinc.

A la stazion e sarà in cuarp a ricevile dute la Impresè dal Festival e in gran pompe e vignarà compagnade al

Gran Albergo

dal nestri concitadin Cont Chèco Cèchin a la

Città di Trieste.

Dunce ste sere dugg a la stazion a onorâ i nestris fradis africans plui o manco neris.

★
Cui che al ul viodi qualchi ciosse di biell che al vadi a la vetrine dal nestri Sartor civil e mi-litar sior Meni Zompiciât, dula che jè esponude la montore dal General dal Mississipi apositamentri ordinade par la gran circostanze dal Festival.

★
Doman in dutt il mond al sarà publicat il pro-grame general dal Festival. Une robe di fa tremâ i class. O crod che no larin esens pal fatt stra-ordenari, di qualchi catastrofe soprannatural.

★
Sayeso la storie dal melon? E cui no la sa a Udin? Ma no jè miungo no come che la ha con-tade il *Giornal da Udin* che al fevele di caretina, di ciavai, di agressions, ecc. ecc. Dutis robis in-ventadis da la fantasie, unmont cialde, dal egregio cropist dal sfueci dal moderas. E si che noi dovarès e-cialdasi tant, parceche i siei parons e son dute int *pacifiche*, calme e prudent.

★
La storie dal melon e jè semplis. Quatri amis e vevin di mangialu. Cenonè, in t' un mesat, dula che al jere depositat il melon, e jentrin tre personis, lu ciapio su e van a mangialu cun altris di lor, in t' un altre ostarie.

Vignus i proprietari par cioli il melon no lu han ciatat. Eco dutt, e no ocor dunce fantastica tant e scrivi romanz o poemis, come che si tratas da la *Sechia rapita* dal Tassoni.

Invece, dopo dutt, in fin dal cons, si trate di un melon rapit, e che bon pro i fasi a cui che lu ha mangiat.

E che sei finide, parecche plui si remene e plui e spuzze.

Ben se m' al disin a mi, e un'altre volte che chei siors e stein plui ateus e che no stein a sciari il ciud dopo s-sciampat il purzit. Hano capit?

★

A un fizio, che al brame che tornin i todeschs a Udin, i darin il sò Joibe che ven.

★

O ricev e o publichi:

Soi restat di stucc a viodi sul *Giornale di Udine* e su la *Patria del Friuli* un avis, con cui Pre Zuan del Neri, diretor di San Spirit al anunzie, che par inscrivisi tal colegio e te scuelis da lui diretis si ha timp fin al 31 di avost. Tant zelo dai doi giornai al merite un poc di studi.

Une volte il *Giornale di Udine* e la *Patria del Friuli* scrivevin lineis di fug e di sang cuintri lis scuelis clericals di San Spirit. Il *Citadin Italian*, che si scriv e si stampe a San Spirit, al diseve dutis lis vilanlis possiblis cuintri i siei doi avversaris e si mostrave lor nemi capital. E cumò i cians e i giazz han fate non solamentri la pàs, ma comunele, e no saress meravee, se prest e diventassin coparis. Il *Citadin*, che uile volte provocave dugg e che si vantave di bastà a se stess, e che cumò al navighe in aghis floridissimis, come dutt il Friul lu sa, pur, forsi par modestie, ricor par ajut al *Giornale di Udine* e a la *Patria*, e chesg genèrosamentri si prestin a raccomandà ches scuelis, ches dotrinis, ches istituzions, che une vòltè combatevin da vers garibaldins.

Qualchi reson devi fessi di chest avicinament, di cheste amicizie fra nemis cussì cordiai une volte, benchè il *Giornale di Udine* e la *Patria del Friuli* si vantin di combati simpri sott la bandiere de libertat, dal progress, da l'unitat italiane e di che altre bande il *Citadin Italian* si mostre simpri rabios cuintri la unitat d'Italie e indemoniat, come chei van a Clauzet, cuintri di ogni libere istituzion, e nol desidere nufe plui di cur che la salut del plèvan Moro e la restaurazion del domini temporal e il ritorno dei gesuists.

Jo o'hai procurat di lei ance fra lis riis di chest sapient triumvirat, che ciascun par sè pretind di jessi il rappresentant de publiche opinion in Udin, ma no hai giavat un ragn dal mûr. O hai dovut concludi in ultim, che dutt al succed in fuarze dal trasformismo, di chest biel ornament, che ancemò manciave par fa i camufs al nestri

caratar nazional. Cumò mi reste a savè, se fra chesg tre giornai, che une volte e jerin in opposizion un da l'altri, il trasformismo sei sucedut o parecchè il *Giornale di Udine* e la *Patria del Friuli* vessin comprade la cuarde di san Francesch o parecchè Pre Zuan del Neri, che simpri ripeteve *non possumus*, al vebi molat un pont e cul Sillabo al vebi impliade la so famose pipe.

★

Al gran Festival e saràn lis corsis des Bighis. Cui che al ul persuadesi al pò là la vie dai Cont Checo Cecchin, che là e sou lis Bighis visibilis e pulpabilis.

★

Musichis militars (fantarie e cavalarie) musiche citadinè, che di Felett, ecc. ecc. e ralegraran cui lor consiars la gran fieste dal 30 Avost.

Pueste di Florean

Sior C. G. — *Bean di Codroip* — Il so articul nol po là che come comunicat e alore bisugne che al pai la inserzion.

Bussui — *Mortean* — Che al mandì pur: o apietti chei doi di inscriviju tal ruolo.

AVIS DI FLOREAN

Essind cambiade l'amministrazion dal sfuei, al è stat provedut par che gnûvs e brillans e valentissins colaborators e prestin la lor opare util e diletevil te publicazion di *Florean dal Palazz*.

Par cui si viars un gnuv abonament al sfuei da prin Setembar 1885 a dutt 31 Decembar 1886 al prezi di quatri franès, par cui i gnûvs abonàs e vareassin il sfuei *gratis* par quatri mès, cioè da prin Setembar a dutt 31 Decembar di chest an.

Chestè cucagne nol po dale che *Florean*; duncè aproffitait fin che ses in timp. E savès ce che al dis il proverbio: *chi ha tempo non aspetti tempo*.

VINCENZO LUCCARDI, *Diretor responsabil*.

Stampariè Jacob e Colmegue.